

Borba protiv nelegalnog trovanja divljih životinja kroz BalkanDetox LIFE projekat

BalkanDetox LIFE projekat se na području Albanije, Bosne i Hercegovine, Bugarske, Hrvatske, Grčke, Republike Sjeverne Makedonije i Srbije nastoji boriti protiv nelegalnog trovanja divljih životinja mijenjanjem percepcije i ponašanja relevantnih interesnih skupina, od donosioca odluka do šire javnosti i onih koji koriste otrovne mamce.

Neke od glavnih projektnih akcija uključuju:

- Formiranje oficijelne državne radne grupe za borbu protiv trovanja u datim državama
- Razvoj i usvajanje operativnih protokola za slučajeve trovanja
- Usvajanje postojećih Smjernica za izradu strategije protiv trovanja u datim državama
- Uspostavljanje državne baze podataka koja će sadržavati sve slučajeve trovanja divljih životinja kako bi se pratila situacija
- Istraga proijekla legalnih i nelegalnih otrovnih supstanci koje se koriste za otrovne mamce
- Upotreba GPS praćenja za poboljšanu detekciju i prevenciju potencijalnih slučajeva trovanja
- Jačanje institucionalnih kapaciteta i efikasnosti tužilaštva obezbjeđujući specifične treninge za relevantne interesne skupine u sklopu Wildlife Crime Academy
- Aktivnosti koje su usmjerene na podizanje svijesti opće javnosti i ključnih interesnih skupina

Glavni ciljevi su da se kroz ove akcije izgrade kapaciteti za bolje upravljanje slučajevima trovanja, podigne svijest o ozbiljnosti ove prakse, ojača saradnja i potakne razmjena znanja među relevantnim interesnim skupinama i smanje slučajevi trovanja kako bi se pomogla zaštita divljih životinja, prirode i javnog zdravlja.

Prijavite slučaj trovanja

Šutnja je saučesništvo. Poduzmite akciju i pomozite borbu protiv nelegalnog trovanja divljih životinja na Balkanu.

Jeste li čuli za ili se susreli sa otrovnim mamcima ili slučajevima trovanja na selu?

Nemojte dirati ili se približavati otrovnom mamcu ni otrovanim životinjama jer tako možete ugroziti svoje zdravlje, ali i potencijalnu kriminalističku istragu.

Odmah informišite lokalne nadležne institucije da pomognu spasiti životinje i počinioca izvesti pred lice pravde.

Federalna Uprava za inspekcijske poslove

Telefon: +387 33 226 644

Republička Uprava za inspekcijske poslove

Telefon: +387 51 334 627

Saznajte više o projektu i uključite se

Posjetite web stranicu da budete informisani:

 www.balkandetoxlife.eu

Pratite projekat na Facebooku i Instagramu:

  @BalkanDetoxLIFE

Prijavite se na email listu



Ako imate bilo kakva pitanja, kontaktirajte projektnog koordinatora:

 tarik.dervovic@gmail.com

BalkanDetox LIFE projekat je finansiran iz LIFE programa Evropske unije pod ugovorom broj LIFE19 GIE/NL/001016.



BALKAN
DETOX LIFE



© Neljo Petito

**VRIJEME JE DA SE NELEGALNO
TROVANJE DIVLJIH ŽIVOTINJA
NA BALKANU ZAUSTAVI!**

ŠTA JE NELEGALNO TROVANJE DIVLJIH ŽIVOTINJA?



To je sramotna praksa neselektivnog ubijanja životinja korištenjem otrovnih mamaca, obično napravljenih od komada mesa ili čitavog životinjskog leša posutog otrovnom supstancom, najčešće pesticidima ili nekim drugim otrovom kao što su cijanid i strihnin.



Iako je nelegalno, trovanje divljih životinja je i dalje široko rasprostranjeno na Balkanu i u Europi.

Pojedinci obično ciljaju predatore i nepoželjne životinje koje se smatraju štetočinama koje mogu štetiti određenim ljudskim aktivnostima, posebno upravljanju lovom na divljač, stočarstvu i drugim poljoprivrednim praksama. Daleko od toga da je rješenje za konflikte ljudi-divlje životinje, nelegalno trovanje je neselektivna i opasna praksa ubijanja životinja koja stvara više problema nego što ih rješava.

NELEGALNO TROVANJE DIVLJIH ŽIVOTINJA MOŽE BITI ŠETNO ZA SVE NAS

ZAŠTIĆENE VRSTE DOVEDENE DO IZUMIRANJA

Danas nelegalno trovanje divljih životinja predstavlja jedno od najhitnijih pitanja zaštite. Procijenjeno je da je na Balkanu u zadnjih 20 godina više od 2.300 lešinara stradalo od trovanja, što je dovelo do lokalnog i regionalnog izumiranja kostoberine i supa starješine. Danas, nastavlja uzrokovati smanjenje populacije i sprječava povratak mnogih ugroženih vrsta.

ČESTO STRADAJU RADNE ŽIVOTINJE I LJUBIMCI

Trovanje ne pravi razliku među vrstama, čak i ako nisu ciljna skupina, druge životinje kao što je stoka, psi čuvari, lovački psi i kućni ljubimci mogu se ozbiljno razboljeti ili uginuti kada se susretnu sa otrovnim mamcima.

ZDRAVLJE JAVNOSTI SE DOVODI U OPASNOST

Ako otrovna supstanca dođe u kontakt sa kožom ili se udahne, ljudi mogu doživjeti ozbiljne zdravstvene probleme, čak i umrijeti, u najgorem slučaju. Ljudi koji koriste otrovne mamce nisu imuni na ove štetne utjecaje - nenamjerno dovode u opasnost svoje zdravlje i zdravlje nesvjesnih građana, uključujući njihovu porodicu, prijatelje i lokalnu zajednicu. Trovanje životinja, također, može zagaditi lanac ishrane za ljude, od usjeva koje jedu do vode koju piju, što može negativno djelovati na njihovo zdravlje.

KRIMINAL NAD OKOLIŠEM KOJI JE KAŽNJIV ZAKONOM

Postavljanje otrovnih mamaca je kažnjiva praksa i okolinski zločin koji je na Balkanu kažnjiv prema zakonu. Zavisno od zločina i slučaja, počinioci mogu dobiti velike kazne, čak i kaznu zatvora.

U Bosni i Hercegovini kazne mogu biti 30 KM do 10 000 KM za fizička lica i 200 KM do 200 000 KM za pravna lica. U slučaju da se djelo tretira kao krivično, može biti izrečena i kazna zatvora do 6 mjeseci

PREVENTIVNE MJERE I SIGURNE ALTERNATIVE OTROVNIM MAMCIMA

U većini slučajeva, pojedinci koji pribjegavaju trovanju divljih životinja, susreću se sa stvarnim problemima i obično nisu svjesni štetnog djelovanja, kao ni toga da je to nelegalna praksa. Važno je podići svijest o ovom problemu i obezbijediti rješenja.

Postoji nekoliko preventivnih mjera i sigurnih alternativa otrovnim mamcima. Ove mjere mogu smanjiti štete nanosene stočarstvu i lovnoj divljači od strane drugih životinja, što pomaže da se razriješe potencijalni sukobi između ljudi i divljih životinja, posebno predatora.



ELEKTRIČNE OGRADE

Jedna od najefikasnijih mjera su električne ograde kojima se ograđuju stada ili poljoprivredne površine. One sprječavaju ulazak životinja koje mogu nanijeti štetu.



FOXLIGHTS

Foxlights je patentirani uređaj specifično dizajniran da odbije predatore tokom noći tako što nasumično emituje svjetlo u boji i u različitom ritmu i uglovima kako bi se stvorio utisak ljudskog prisustva.



SISTEM SA ZASTAVICAMA

Sistem sa zastavicama se sastoji od crvenih zastava koje vise sa konopca koji okružuje stado ili kokočinjac da odvraća vukove od ulaska u to područje.



PASTIRSKI PSI ČUvari

Tradicionalna i najčešća preventivna mjera su pastirski psi čuvari, jedna od najprirodnijih i najhumanijih metoda koja se stoljećima koristi za sprječavanje napada medvjeda i vukova.